

**Hysbysiad preifatrwydd yn ymwneud â
phrosesu data personol gan yr ysgol, er
mwyn cynnal Cofnod Addysgol a
Chwricwlaidd y Disgybl**

(Fersiwn 1.1 – 21.02.2023)



MAE EICH DATA O BWYS

YOUR DATA MATTERS

Ynglŷn â'r hysbysiad preifatrwydd yma

Mae'r hysbysiad preifatrwydd yma'n ymwneud â phrosesu data personol gan ysgolion cynradd, uwchradd ac ysgolion pob oed yn Rhondda Cynon Taf (RhCT) sy'n cael eu cynnal gan yr awdurdod lleol (Cyngor Bwrdeistref Sirol Rhondda Cynon Taf) (CBSRhCT). Mae hefyd yn ymwneud â phrosesu data personol gan ysgolion ffydd yn RhCT sy'n cael eu hariannu'n wirfoddol.

Cliciwch [yma](#) am restr lawn o'r ysgolion y mae'r hysbysiad preifatrwydd yma'n berthnasol iddyn nhw.

Caiff yr hysbysiad preifatrwydd yma ei ddarparu gan CBSRhCT ar gyfer ysgolion o dan Gytundeb Lefel Gwasanaeth diogelu data, ac ar eu rhan.

Cyflwyniad

Bwriad yr hysbysiad preifatrwydd hwn yw rhoi gwybodaeth am sut y bydd yr ysgol yn defnyddio (neu'n 'prosesu') data personol am unigolion gan gynnwys ein disgyblion presennol, blaenorol a darpar ddisgyblion a'u rhieni, cynhalwyr neu warcheidwaid (wedi'u cyfeirio atyn nhw yn yr hysbysiad yn 'rhieni') at y diben statudol o gynnal cofnod addysgol a chwricwlaidd y disgybl.

Dim ond y lleiafswm o wybodaeth bersonol sydd ei hangen mewn perthynas â'r diben fydd yn cael ei phrosesu.

Dylid darllen yr hysbysiad yma ar y cyd â Hysbysiad Preifatrwydd Cyffredinol yr ysgol sydd ar gael ar ein gwefan neu drwy gysylltu â'r Arweinydd Diogelu Data.

Cofnod addysgol y disgybl

O dan Reoliadau Gwybodaeth am Ddisgyblion (Cymru) 2011 rhaid i'r pennaeth gadw cofnod addysgol o bob disgybl.

Mae'r cofnod addysgol yn cynnwys gwybodaeth am ddisgyblion

- wedi cael ei phrosesu gan, neu ar ran, y corff llywodraethu neu athro
- sy'n tarddu o neu'n cael ei gyflenwi gan weithwyr Awdurdod Lleol
- sy'n tarddu o athrawon neu weithwyr eraill yr ysgol (e.e. ysgolion gwirfoddol a gynorthwyr neu ysgolion arbennig nas cynhelir) neu'n cael ei gyflenwi ganddyn nhw.

Mae'r cofnod addysgol fel arfer yn cynnwys gwybodaeth sy'n ymwneud â:

- Damweiniau a digwyddiadau
- Anghenion dysgu ychwanegol
- Mynychu'r ysgol a lles
- Ymddygiad a gwaharddiadau
- Diogelu
- Gwybodaeth feddygol sy'n berthnasol i addysg/ymddygiad
- Gohebiaeth gyda rhieni
- Adroddiadau blynyddol
- Cwynion sy'n ymwneud â'r ysgol

Dydy'r cofnod addysgol ddim yn cynnwys cofnodion a broseswyd gan athro at ddefnydd yr athro ei hun yn unig.

Cofnod cwricwlaidd y disgybl

Mae cofnod cwricwlaidd y disgybl yn is-set o'r cofnod addysgol. Mae'n gofnod ffurfiol o gyflawniadau, sgiliau a galluoedd academaidd disgybl a'r cynnydd mae'n ei wneud yn yr ysgol.

O dan Reoliadau Gwybodaeth am Ddisgyblion (Cymru) 2011 rhaid i'r pennaeth gadw cofnod cwricwlaidd o bob disgybl.

Mae'r cofnodion cwricwlaidd fel arfer yn cynnwys gwybodaeth yn ymwneud â'r disgyblion

- Canlyniad asesiadau
- Canlyniadau arholiadau

Y Rheolwr Data

Yr ysgol yw'r rheolwr data ar gyfer y data personol rydyn ni'n ei brosesu, oni nodir yn wahanol. Mae hyn yn cynnwys y data personol sy'n cael ei brosesu gan y Corff Llywodraethu, pennaeth, llywodraethwyr unigol, athrawon, cynorthwywyr addysgu a staff cymorth ac ati.

Mae'r ysgol wedi'i chofrestru gyda Swyddfa'r Comisiynydd Gwybodaeth fel rheolwr.

Sut i gysylltu â ni ynglŷn â materion neu bryderon diogelu data

Arweinydd Diogelu Data'r ysgol yw'r prif bwynt cyswllt ar gyfer materion diogelu data. Mae modd cysylltu â'r Arweinydd Diogelu Data gan ddefnyddio ein dulliau cyswllt arferol; dros y ffôn, e-bost, drwy'r post a drwy alw heibio yn yr ysgol.

Cliciwch [yma](#) am fanylion cyswllt yr ysgolion.

Y Swyddog Diogelu Data

Mae CBSRhCT yn darparu gwasanaeth cymorth diogelu data i'r ysgol o dan Gytundeb Lefel Gwasanaeth, gan gynnwys darparu Swyddog Diogelu Data.

Mae modd cysylltu â'r Swyddog Diogelu Data mewn perthynas â materion diogelu data. Serch hynny, rydyn ni'n eich annog chi i gysylltu â'r ysgol yn y lle cyntaf. Os bydd angen i chi gysylltu â'r Swyddog Diogelu Data yn uniongyrchol, mae modd i chi wneud hynny drwy e-bost i'r cyfeiriad e-bost canlynol:

- Rheoli.Gwybodaeth@rctcbc.gov.uk

Wrth gysylltu â'r Swyddog Diogelu Data, rydyn ni'n argymhell eich bod chi'n anfon copi o'r ohebiaeth at yr ysgol yn rhan o'i rôl fel rheolydd data.

Y mathau o ddata personol rydyn ni'n eu prosesu

Rydyn ni'n prosesu'r categorïau canlynol o ddata personol sy'n ffurfio rhan o gofnod addysgol a chwricwlaidd y disgybl:

Disgyblion

Fel arfer rydyn ni'n prosesu'r categorïau canlynol o ddata personol sy'n ymwneud â phob disgybl:

- Gwybodaeth bersonol megis enw, dyddiad geni, rhif unigryw y disgybl ac ati
- Manylion cyswllt megis cyfeiriad, rhif ffôn, cyfeiriad e-bost ac ati
- Rhyw, ethnigrwydd, iaith, cenedligrwydd, man geni – gwlad, cyfeiriadedd rhywiol, hawl/meini prawf i gael prydau ysgol am ddim, statws plentyn sy'n derbyn gofal
- Gwybodaeth iechyd a meddygol berthnasol fel gwybodaeth meddyg, iechyd plant, iechyd deintyddol, alergeddau, iechyd golwg a chlyw, meddyginiaeth, gofynion dietegol ac ati
- Gwybodaeth iaith – iaith gyntaf, rhuglder ac ati
- Gwybodaeth am bresenoldeb, megis y sesiynau a gafodd eu mynychu, nifer yr absenoldebau, y rhesymau dros yr absenoldebau, ysgolion blaenorol y disgybl ac ati
- Gwybodaeth asesu a chyrhaeddiad
- Gwybodaeth yn ymwneud â chludiant ysgol / trefniadau casglu
- Delweddau (TCC)

Mae modd i ni brosesu'r categorïau canlynol o ddata personol yn dibynnu ar anghenion disgyblion ac amgylchiadau unigol:

- Gwybodaeth am Anghenion Dysgu Ychwanegol ac anabledd
- Gwybodaeth diogelu megis – gorchmynion llys, cyfranogiad proffesiynol
- Gwybodaeth yn ymwneud ag ymddygiad a gwaharddiadau
- Gwybodaeth yn ymwneud â damweiniau a digwyddiadau
- Gwybodaeth yn ymwneud â chwynion yn ymwneud â'r ysgol.

Rhieni a Chysylltiadau Mewn Argyfwng

Fel arfer rydyn ni'n prosesu'r categorïau canlynol o ddata personol sy'n ffurfio rhan o gofnod addysgol a chwricwlaidd y disgybl:

- Dynodyddion personol a manylion cyswllt megis enw, cyfeiriad, rhif ffôn, gweithle (os yw'n berthnasol), cyfeiriad e-bost, ac ati
- Perthynas i'r plentyn

Mae'n bosibl y byddwn ni'n prosesu'r categorïau canlynol o ddata personol sy'n ymwneud â rhieni, yn dibynnu ar anghenion disgyblion ac amgylchiadau teuluol sy'n rhan o gofnod addysgol a chwricwlaidd y disgybl:

- Gwybodaeth sy'n ymwneud ag a yw rhiant yn aelod o'r lluoedd arfog
- Hawl gyfreithiol i weld y plentyn ac unrhyw orchmynion llys sy'n nodi'r hawliau o ran hynny
- Gwybodaeth berthnasol am y cartref/teulu megis brodyr a chwiorydd, trefniadau gofal plant ac ati
- Gwybodaeth berthnasol yn ymwneud â chysylltiad â gwasanaethau cymorth e.e. gwasanaethau cymdeithasol, diogelu, anghenion dysgu ychwanegol ac ati
- Gwybodaeth ariannol e.e. sy'n ymwneud â thaliadau a wneir neu sy'n ddyledus i'r ysgol

Pam rydyn ni'n prosesu data personol?

Rydyn ni'n prosesu'r data personol i ymgymryd â'n swyddogaeth statudol sy'n ymwneud â chreu a chynnal cofnod addysgol a chwricwlaidd y disgybl.

Ein sail gyfreithiol ar gyfer prosesu'r data personol

Yn unol â'r Rheoliadau Diogelu Data Cyffredinol, y sail gyfreithiol ar gyfer prosesu data personol i ymgymryd â'n swyddogaeth statudol sy'n ymwneud â chreu a chynnal cofnod addysgol a chwricwlaidd y disgybl:

- **Rhwymedigaeth Gyfreithiol** – Erthygl (c) – prosesu sy'n angenrheidiol ar gyfer rhwymedigaeth gyfreithiol sydd wedi'i roi i'r rheolwr
- **Tasg Gyhoeddus** – Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr
- **Budd sylweddol i'r cyhoedd** – Erthygl 9 (2) (g) – prosesu sy'n angenrheidiol er budd sylweddol y cyhoedd, ar sail cyfraith Undebol neu aelod-wladwriaeth sy'n gyfraneddol i'r nod, yn parchu hanfod hawliau diogelu data ac yn darparu mesurau addas a phenodol i ddiogelu hawliau sylfaenol a buddion y person y mae'r data amdano

Y ddeddfwriaeth sylfaenol, rheoliadau a chanllawiau sy'n ategu hyn – ond heb fod yn gyfyngedig iddyn nhw – yw:

- Rheoliadau Gwybodaeth am Ddisgyblion (Cymru) 2011
- Deddf Addysg 1996
- Deddf Addysg 2002
- Deddf Safonau a Fframwaith Ysgolion 1998

Gan bwy ac o ble rydyn ni'n casglu data personol?

Mae'n bosibl y byddwn ni'n derbyn y data personol gan unigolion neu sefydliadau yn y categorïau canlynol:

- Disgyblion
- Rhieni
- Staff ysgol – pennaeth, athrawon, cynorthwy-ydd dysgu, staff cymorth ac ati
- Corff llywodraethu, llywodraethwyr ysgolion unigol, paneli annibynnol
- Ysgolion a sefydliadau addysgol eraill (lle mae'r disgybl yn symud ysgol)
- Gwasanaethau cymorth awdurdodau lleol megis y Garfan Derbyn Disgyblion, Gwasanaethau Arlwy, Gwasanaethau Trafnidiaeth, Carfan Ddata'r Awdurdod Addysg Lleol, Gwasanaethau Mynychu'r Ysgol a Lles, Y Gwasanaeth Mynediad a Chynhwysiant ac ati
- Gwasanaethau cymorth busnes awdurdodau lleol megis Cymorth i Lywodraethwyr, yr Adran Yswiriant, Gwasanaethau Cyfreithiol ac ati
- Sefydliadau diogelu, gwasanaethau a gweithwyr proffesiynol a all fod yn ymwneud ag asesu, rhoi cymorth neu ddarparu gwasanaethau i ddisgybl a'i deulu (e.e. Gwasanaethau i Blant awdurdodau lleol, Bwrdd Diogelu Cwm Taf Morgannwg, Byrddau Iechyd, gweithwyr iechyd proffesiynol ac ati)
- Sefydliadau sector preifat ac elusennau a all fod yn ymwneud â chefnogi neu ddarparu gwasanaethau i ddisgybl a'i deulu (e.e. CAMHS).

Ysgolion uwchradd:

- Byrddau arholi, darparwyr asesu, darparwyr rhaglenni cyfoethogi
- Gyrfa Cymru
- Cyllid Myfyrwyr Cymru

Gyda phwy rydyn ni'n rhannu data personol?

Mae modd i ni rannu cofnod addysgol a chwricwlaidd y disgybl yn ei gyfanrwydd gyda:

| Pwy | Diben |
|--|--|
| Ysgolion a sefydliadau addysgol eraill | <ul style="list-style-type: none"> Os yw'r disgybl yn symud ysgol, neu wedi'i gofrestru mewn dwy ysgol, mae gofyniad statudol ar yr ysgol i drosglwyddo'r cofnod addysgol i'r ysgol newydd. |

Yn ogystal, fel yr amlinellir uchod, gan fod cofnod addysgol a chwricwlaidd y disgybl yn cynnwys gwybodaeth yn ymwneud ag ystod eang o faterion megis presenoldeb ac ymddygiad, lles, anghenion dysgu ychwanegol, cyflawniad, canlyniadau ac ati, mae modd rhannu elfennau o'r cofnod â gwasanaethau statudol a chymorth at ddibenion penodol. Mae modd i'r wybodaeth yma gynnwys, ond heb fod yn gyfyngedig i:

| Pwy | Pam |
|--|---|
| Llywodraeth Cymru | Adroddiadau cenedlaethol, asesu ac ati |
| Consortium Canolbarth y De (trwy Lywodraeth Cymru) | Adrodd, asesu, gwella ysgolion ac ati |
| ESTYN | Dibenion arolygu |
| Corff Llywodraethu / Llywodraethwyr Ysgol / Paneli Annibynnol. | Swyddogaethau'r Corff Llywodraethu a'r Panel Annibynnol |
| Yr Awdurdod Lleol – Gwasanaethau Cymorth | <p>Mae'r ysgol yn gweithio ochr yn ochr ac ar y cyd â nifer o wasanaethau cymorth yr Awdurdod Lleol i gyflawni ei swyddogaethau statudol. Ymhlith y rhain, mae:</p> <ul style="list-style-type: none"> Y Garfan Derbyn Disgyblion – rheoli'r broses derbyn i ysgolion, trosglwyddiadau ac ati Y Gwasanaeth Cludiant – darpariaeth cludiant rhwng y cartref a'r ysgol Y Gwasanaeth Arlwygo – darpariaeth arlwygo yn yr ysgol Y Garfan Data – adroddiadau statudol, rheolaeth ariannol Y Gwasanaeth Mynychu'r Ysgol a Lles – cofnodi, monitro a mynd i'r afael â phresenoldeb disgyblion Y Gwasanaeth Mynediad a Chynhwysiant – atgyfeiriadau, asesiadau o angen, gweithredu ac adolygu cymorth parhaus |

| | |
|--|---|
| | <ul style="list-style-type: none"> Gwasanaethau Cymdeithasol – atgyfeiriadau, asesiadau o angen, gweithredu ac adolygu cymorth parhaus Y Gwasanaeth Teuluoedd Cydnerth – atgyfeiriadau, asesiadau o angen, gweithredu ac adolygu cymorth parhaus |
| Hwb Diogelu Amlasiantaeth Cwm Taf Morgannwg (MASH) | <p>MASH yw'r pwynt cyswllt ar gyfer pob gweithiwr proffesiynol, i roi gwybod am unrhyw bryderon am ddiogelwch ar draws Cwm Taf Morgannwg. Mae MASH yn cynnwys staff o'r Gwasanaethau Cymdeithasol, Addysg, yr Heddlu, Iechyd, y Gwasanaeth Prawf Cenedlaethol a'r Cwmni Adsefydlu Cymunedol.</p> <ul style="list-style-type: none"> Diogelu |
| Gwasanaethau Materion Busnes yr Awdurdod Lleol | <p>Mae nifer o wasanaethau'r awdurdod lleol yn cefnogi gwaith yr ysgol. Ymhlith y rhain mae:</p> <ul style="list-style-type: none"> Cymorth i Lywodraethwyr – cymorth, cyngor ac arweiniad i'r corff llywodraethu ac ati Adnoddau dynol – gwasanaethau gweithwyr Y Garfan Yswiriant – trin/rheoli hawliadau, cyngor, cymorth, arweiniad ac ati Gwasanaethau Cyfreithiol – cyngor cyfreithiol, cymorth ac ati Rheoli Gwybodaeth – cyngor diogelu data, cymorth ac ati |
| Yr Awdurdod Gweithredol Iechyd a Diogelwch | Rhoi gwybod am ddamweiniau/digwyddiadau yn unol â deddfwriaeth Iechyd a Diogelwch |

Ysgolion Uwchradd

| Pwy | Pam |
|-----------------------------------|--|
| Byrddau Arholi | <ul style="list-style-type: none"> Hwyluso sefyll arholiadau Cefnogi'r broses apêl ar gyfer arholiadau |
| Gyrfa Cymru | <ul style="list-style-type: none"> Darparu cyngor, cymorth ac arweiniad gyrfaoedd a hwyluso profiad gwaith |
| Prifysgolion | <ul style="list-style-type: none"> Cefnogi disgyblion yn y broses ymgeisio Darparu tystlythyrau/geirda |
| Darparwyr Rhaglenni Cyfoethogi | <ul style="list-style-type: none"> Cefnogi disgyblion sydd wedi cofrestru ar y rhaglen/cynllun |
| Cyllid Myfyrwyr Cymru | <ul style="list-style-type: none"> Cefnogi'r cais am gyllid myfyrwyr |

Bydd yr wybodaeth a gaiff ei rhannu a gyda phwy y caiff ei rhannu yn dibynnu ar anghenion unigol y disgybl, y cymorth sydd ei angen a'r rhai sy'n gysylltiedig â'r cymorth yma. Cyfeiriwch at ein [hysbysiadau preifatrwydd proses-benodol](#) am ragor o wybodaeth.

Proseswyr data

Mae proseswr data yn gwmni neu sefydliad sy'n prosesu data personol ar ran rheolwr. Mae'r ysgol yn defnyddio proseswyr data sy'n darparu gwasanaethau i ni. Mae'r ysgol yn defnyddio'r categori canlynol mewn perthynas â chreu a chynnal cofnod addysgol a chwricwlaidd y disgybl:

- Cyflenwyr systemau/darparwyr gwasanaethau TG

Mae ein proseswyr data yn gweithredu ar ein cyfarwyddyd ni yn unig. Does dim modd iddyn nhw wneud unrhyw beth gyda'r data personol oni bai ein bod ni wedi eu cyfarwyddo i wneud hynny. Fyddan nhw ddim yn rhannu'r wybodaeth bersonol ag unrhyw sefydliad ar wahân i ni nac yn ei defnyddio at eu dibenion eu hunain. Byddan nhw'n ei dal yn ddiogel ac yn ei chadw am y cyfnod rydyn ni wedi'u cyfarwyddo i wneud hynny.

Os oes gyda chi ymholiad penodol yn ymwneud â'n proseswyr data, cysylltwch â'r Arweinydd Diogelu Data.

Am ba mor hir byddwn ni'n cadw'r data personol?

Er mwyn dilyn egwyddor storio data Rheoliadau Diogelu Data Cyffredinol, mae'r cofnodion yn cael eu hadolygu'n rheolaidd. Dim ond data personol sy'n berthnasol i'r cofnod sy'n cael ei gadw am y cyfnod cadw cyfan (e.e. dogfennau sy'n cynnwys asesiadau, penderfyniadau, deilliannau ac ati). Caiff unrhyw wybodaeth sy'n amherthnasol yn y tymor hir neu sy'n amherthnasol yn dystiolaethol ei dinistrio yn rhan o arferion busnes arferol.

Gan fod cofnod addysgol a chwricwlaidd y disgybl yn cynnwys gwybodaeth yn ymwneud ag ystod eang o faterion, megis presenoldeb ac ymddygiad, lles, anghenion dysgu ychwanegol, cyflawniad, canlyniadau ac ati, ar gyfer cyfnodau cadw penodol, cyfeiriwch at ein hysbysiadau preifatrwydd manylach sydd i'w gweld [yma](#).

Eich hawliau diogelu data

O dan gyfraith diogelu data, mae hawliau gyda chi y mae angen i ni eich gwneud chi'n effro iddyn nhw. Mae'r hawliau sydd ar gael i chi yn dibynnu ar ein rheswm dros brosesu eich data personol.

Eich hawl i weld eich data personol

Mae'r hawl gyda chi i ofyn i ni am gopïau o'ch data personol. Mae'r hawl yma'n berthnasol ar bob adeg. Mae rhai eithriadau, sy'n golygu efallai na fyddwch chi'n derbyn yr holl ddata rydyn ni'n ei brosesu bob amser. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Eich hawl i'ch data gael ei gywiro

Mae'r hawl gyda chi i ofyn i ni gywiro data personol sy'n anghywir yn eich barn chi. Hefyd, mae gyda chi'r hawl i ofyn i ni gwblhau data sy'n anghyflawn yn eich barn chi. Mae'r hawl yma'n berthnasol ar bob adeg. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Eich hawl i gael eich data wedi'i ddileu

Mae'r hawl gyda chi i ofyn i ni ddileu eich data personol mewn rhai amgylchiadau. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Eich hawl i gyfyngu ar sut mae sefydliadau'n defnyddio'ch data

Mae'r hawl gyda chi i ofyn i ni gyfyngu ar brosesu eich data personol mewn rhai amgylchiadau. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Eich hawl i wrthwynebu'r defnydd o'ch data

Mae'r hawl gyda chi i wrthwynebu i ni brosesu eich data personol mewn rhai amgylchiadau. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Eich hawl i drosglwyddo data

Mae hyn ond yn berthnasol i ddata personol rydych chi wedi ei roi i ni. Mae'r hawl gyda chi i ofyn i ni drosglwyddo'r data personol rydych chi wedi'i roi i ni o un sefydliad i'r llall neu ei roi i chi. Mae'r hawl yma ond yn berthnasol os ydyn ni'n prosesu'r data personol yn seiliedig ar eich caniatâd neu o dan ymrwymiad i gontract, neu wrth drafod derbyn contract, a bod y prosesu'n awtomataidd. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Does dim rhaid i chi dalu am arfer eich hawliau. Mae mis gyda ni i ymateb i'ch cais o'r dyddiad y caiff eich cais ei ddilysu. Mae modd i ni ymestyn y cyfnod yma am ddau fis arall os yw'r cais yn gymhleth neu os byddwn ni'n derbyn nifer o geisiadau gennych chi.

Cysylltwch ag Arweinydd Diogelu Data'r ysgol os ydych chi'n dymuno gwneud cais.

Eich hawl i wneud cwyn i'r ysgol ynghylch diogelu data

Mae'r hawl gyda chi i gwyno i'r ysgol os ydych chi o'r farn nad ydyn ni wedi trin eich data personol yn gyfrifol ac yn unol ag arfer da.

Os oes gennych chi bryder, rydyn ni'n eich annog i gysylltu â'r Arweinydd Diogelu Data yn y lle cyntaf. Mae modd datrys y rhan fwyaf o bryderon yn gymharol gyflym trwy ffonio neu e-bostio'r ysgol. Os hoffech chi wneud cwyn ffurfiol mae modd i chi wneud hynny drwy ein polisi cwynion.

Eich hawl i wneud cwyn i'r Swyddfa'r Comisiynydd Gwybodaeth ynghylch diogelu data

Mae modd i chi hefyd gwyno i Swyddfa'r Comisiynydd Gwybodaeth os ydych chi'n anfodlon â sut rydyn ni wedi defnyddio'ch data, ond rydyn ni'n eich annog chi i gysylltu â ni yn y lle cyntaf.

Dyma fanylion cyswllt Swyddfa'r Comisiynydd Gwybodaeth:

- Cyfeiriad: Information Commissioner's Office, Wycliffe House, Water Lane, Wilmslow, Cheshire, SK9 5AF
- Rhif y Llinell Gymorth: 0303 123 1113
- Gwefan: <http://www.ico.org.uk>

Rheoli'r fersiwn

| Rhif y Fersiwn | Dilys o | Dilys hyd at | Sylwadau |
|-----------------------|----------------|---------------------|---|
| 1.0 | 28.09.2022 | 21.02.2023 | Llunio'r ddogfen. Y ddogfen derfynol |
| 1.1 | 21.02.2023 | | Adolygwyd 21.02.2023 yn unol â gwelliant i fersiwn Saesneg. |